

懸特延玄象之旂對越光靈道迎休德屬臣  
闕告敢不上聞

宣詞

按如詞言丹誠懇切致兩極同科之敬賤九天御曆之尊心聲宣一至之誠香德燎眾芳之馥飾黼座於玄虛之上薦芝華於象緯之前鶴袍端簡以情思星壇發瑞熊驛御空而達欵雲路生光延佇之心不寒而立精純之念有感必通伏願

太上三尊十方大聖玄中大法師垂神鑒映省覽所陳教勅靈寶官屬侍經感神絳章繡衣之官擎羊陀羅之使遊空飛步臨集壇場錄善表功門闈穹壤更覲流精散炁營衛臣及弟子等身清蕩內外降伏妖魔通達虛元咸降真聖使齋功成就無有空滯明晨行道續更啓聞

十二願

復爐

謹攝香官使者左右龍虎君侍香諸靈官當令臣向來啓壇行道之所自然生金液丹碧

芝英百靈眾真交會在此香火爐前當願十方仙童玉女侍蘭煙傳臣向來所啓之誠速達徑御

至真無極大道

昊天玉皇上帝御前

出堂頌

出戶

道門科範大全集卷之四十九

正一天師清微弟子百堅製作 道教學術資訊網站

道門科範大全集卷之五十五五十二卷 啓

廣成先生杜光庭制定

南北二斗同醮儀

清旦行道

法事陞壇如式

各禮師存念如法

宣衛靈呪

青陽虛映耀日回靈神虎辟邪飛天流鈴摧奸滅試萬魔束形九微回道人威攝精千真校錄三元蕩清左嘯中黃右策六丁七轉八合周旋天經聖化魏魏大道興行慶雲流布合景黃庭和與道合真

鳴法鼓二十四通

無上三天玄元始三炁太上道君太上老君召出臣身中三五功曹左右官使者左右捧香驛龍騎吏侍香金童傳言散花玉女五帝直符直日香官合三十六人出出者嚴裝顯服冠帶垂纓關啓玄壇土地方域神真臣今清旦行道謹奉為入意其諸誠悃已錄奏聞願得

太上十方至真道炁靈寶瑞光下降流入臣身中令臣所啓速達徑御

太上無極大道

昊天玉皇上帝御前

請稱法位

具位臣某與閭壇衆官等謹同誠上啓

虛无自然元始天尊太上大道君太上老君

昊天玉皇上帝九皇上真十方已得道大聖

衆至真諸君丈人三十六都尊經玄中大法

師圓宵玄象日月星辰北斗尊帝七元輔弼

星君南極大帝丈人司馬六司星君本命元

辰洞天海嶽三界官屬一切真靈臣聞北斗

居於坎位元精所藏南斗主於離宮至神所

寓精降爲魄用以守形神疑爲魂因以聚炁

羣生所系兩極攸司功寔濟於生靈德普資

於動用自二儀既判之後爲衆品受命之根

天陽地陰二炁感應以相與羣分類聚萬物

曲成而不違咸資陶冶之能以遂器形之化

增祿俸於士庶注壽秩於人天延促年齡去

留災福凡處生成之域難逃予奪之權醜主

其久慕仙宗未起濁境荷高穹之覆冒沐斗極之照臨處已治身豈適中庸之道待人接物第深過舉之憂進無衆善之修退有後時之悔意欲導迎景既掃去不祥是敢奉靈寶之彝儀展河圖之明訓合醮乎南北二斗徧

仰乎天地衆真謝過祈恩懷災懇福臣獲參

玄與備列真司瞻參橫斗轉之餘致晉接寅

恭之始既承詞相敢不上聞

宣詞

按如詞言丹誠懇切爰賴神明之來相肆令

戮教之攸宜作善降祥效商書之明訓遇災

而懼聞周雅之格言茲既露於丹衷冀俯回

於洪造常使溥風溥扇惠澤滂流付醮主之

精衷明天尊之至德以今清旦行道請法衆

等運茲初檢上香

願此香煙騰空徑上供養

太上三尊十方衆聖巨等皈身皈神皈命以

是捨香功德上祝

皇帝陛下伏冀睿圖隆永聖壽遐延握金鏡

以低臨萬方昭泰儼珠旒而端穆八海澄清

朝有忠良俗臻富壽儲皇妃后協贊昌期公主諸王保寧休運火鼠燭龍之外矚矚爭馳

履泉蒙谷之卿車書混一今故燒香自皈依

道尊大聖衆至真之德得道之後昇入無爲

和與道合真以今清旦行道請法衆等運茲

二檢上香

願此香煙騰空徑上供養

太上尊經十方衆聖巨等皈身皈神皈命以

是功德歸流弟子某家九世七玄億曾萬祖

親緣眷屬往逝神儀伏冀乘紫籙之玄功上

朱陵之仙界陽光瑩質流火煉形黑簡落名

青宮注籍逍遙真境永祛流注之殃利佑見

存克享安榮之福今故燒香自皈依

經尊大聖衆至真之德得道之後昇入無形

和與道合真

以今清旦行道請法衆等運茲三檢上香

願此香煙騰空徑上供養

太上三師十方衆聖巨等皈身皈神皈命以

是功德歸流弟子某災躓頤息厄運清消至

道資靈真衛護南昌司命開丹籙以延年

北府帝君削黑書而落死魂神澄正萬杰長  
存眷屬親緣同雷景福飛沉異質蠢動殊形  
咸沐玄休共臻身吉今故燒香自皈依  
師尊大聖眾至真之德得道之後昇入無形  
和與道合真

唱方 懺方 步虛 三禮

重稱法位

具位 其與閣壇眾等謹重誠上啓

虛无自然元始天尊太上大道君太上老君  
昊天玉皇上帝九皇上真十方已得道大聖  
眾至真諸君丈人三十六部尊經玄中大法  
師國宮玄象日月星辰北斗尊帝七元輔弼  
星君南極大帝丈人司馬六司星君本命元  
辰洞天海嶽三界官屬一切真靈 臣間七元  
在太微之北為造化之樞機六司在朔方之  
東經日月之終始乃知大官以北為貴水神  
以中為尊一則旋乾轉坤運動而機衡正一  
則策賢進士盛明而爵祿行體道德而垂光  
助乾坤而育物欲上延於祿壽宜有禱於神  
真某爰自宿生至于今日罪孽積如山嶽福

力輕若鴻毛或違天地覆載之仁或負日月  
照臨之德犯二炁五行之性傷三光六紀之  
和不悟因緣罔知禁忌違越經訓冒觸星光  
曾未懺除慮成殃咎今則歸真知命悔過冥  
心冀開大有之恩俾獲自新之路仰惟南宮

六紀北斗七元斟酌化元無一人不稟以為  
命生持教令無一物不賴以為生肅嚴壇靖

之規廣奉蘋蘩之薦投詞獻款罄志皈誠謝  
已往之非補將來之短拜迎百福洗滌眾災

保家屬之團圓祝封疆之寧謐免息家訟使  
滯塞之通開以致康榮望祈求之稍遂落死

籍於至陰之境上生名於洞陽之宮  
皇圖長觀於休明海宇永聞於富庶滅烽卧

殺邊陲無介冑之人薄賦輕徭比屋有絃歌  
之士百官拱極萬姓莫居宜眾志之咸熙使

萬邪之歸正恩霑動植澤被幽遐先亡離苦  
以超生異類乘時而變化上明

天尊大慈之澤下副 臣等皈命之誠謹啓以  
聞

十二願

復壇

謹攝香官使者左右龍虎君侍香諸靈官當  
令 臣向來清旦行道之所自然生金液丹碧  
芝英百靈眾真交會在此香火爐前當願十  
方仙童玉女接待蘭煙傳 臣向來所啓之誠

速達徑御

至真無極大道

昊天玉皇上帝 御前

出堂頌

出戶

道門科範大全集卷之五十